

omnia, ac si non laudi & gloriae, sed soli tantum abdomini nati essent, abliguriunt, omnemque vim ingenii, quae in quibusdam summa est, in iuuenili leuitate consumunt, maculas aeternas, quas reliqua vita non potest eluere, sibi ipsis inurunt, ita, ut Parentes eorum, licet nunquam peccassent, maiorem iniuriam Reipublicae facere non potuissent, quàm quod tales filios genuerunt; in literis autem nihil proficiunt, obliti, quae fere in prouerbum abiit, verborum: Cum Athenas tanquam ad mercaturam bonarum artium profectus fueris, inanem Te redire, turpissimum est. Sermones spurcos & obscenos, quos saepe vltro citroque habere solent, Aristoteles expresse *αιχαρολογίας*, turpiloquia, vocat; dictu scilicet & auditu turpia esse ea, tandemque in congerronum turpitudinem vergere, hoc ipso vocabulo innuens Libr. 7. c. 17. Politicorum. Susurriones autem, qui verba vnius Praeceptoris in peiorem partem rapiunt, ad alterum suauitudo deferunt, & sic litigia inter ipsos serunt, non adeò ab similes proditoribus esse reor, qui nunquam non habiti sunt infames, & habent, quod sibi caueant, ne audire aliquando cogantur ea, quae olim Rex Philippus proditoribus, de Macedonibus, quod per ignominiam proditores ab illis vocarentur, conquerentibus responsi loco dedit, dum, ignoscite illis, ait, Macedones sunt inciuiles, quod vnamquamque rem proprio suo insignire solent nomine. Adulatores sunt, qui palpum obtrudendo singularem prae ceteris fauorem aucupari conantur; & non ineptè Rex Alphonius lupis assimulasse videtur, eò, quod, sicut lupi, si asinum caperent, non statim eum vorarent, sed blandè prius scalperent & ita titillarent, vt somnum caperet, dormientem vero demum glutirent: ita & illi ab adulatoris rumusculis pendentibus, eisque domicilium, vt Cicero loquitur, in auribus suis collocari sinentibus, credulitatis somnum conciliarent, & postea, si non necare, in multa tamen mala praecipitare eos possent. Fauore autem discipuli, pietate, probitate, alacritate, aliisque virtutibus, & sic non illicitis, sed licitis medijs potiri possunt, secundum illud AVGVSTINI: Disce à Ioseph, efficacissimum philtum esse: vt ameris, amabilis esto, Serm. 83. de Tempore. Ab omnibus igitur eiusmodi vitis vt quilibet se purum atque illibatum seruet, non inconueniens, quantum ego opinione auguror, esset, si nunquam non oculis & auribus obuersaretur Mufonius acclamans: Si honesti quid feceris cum labore, laborabit, honestas manet; si turpe quid cum voluptate, voluptas abit, turpitude manet, quae verba olim quasi pro Symbolo erant

Domino M. JOANNI PRAETORIO, pie memoriae,
Prae-